

Saksprotokoll i fylkesutvalet - 20.04.2016

Roald Kvamme (A) stilte spørsmål om han var ugild fordi han er leiar i Hordaland fagskulestyre. Kvamme gjekk frå under vurderinga av spørsmålet om han var ugild. Fylkesutvalet vedtok mot 1 røyst (MDG) at Roald Kvamme ikkje var ugild, jf. forvaltningslova § 6, 2. ledd.

Roald Kvamme tiltredde saksbehandlinga.

Terje Søviknes (Frp) sette på vegner av Frp og H fram slikt forslag:

"Oppfølging av skolebruksplan	kr	4,00 mill.
Utstyr vg skoler	kr	15,00 mill.
IT og telefoni	kr	8,00 mill.
Renhold	kr	0,50 mill.
Fagskoler	kr	7,50 mill.
	kr	35,00 mill."

Pål Kårbø (KrF) sette på vegner av KrF, A, Sp, og SV fram slikt forslag (a):

"Fylkesrådmannen sitt forslag, med slik endring:

Utstyrsmidlar fagskular vert auka med 2,0 mill.

I første omgang vert dette dekt inn mot Hordaland fylkeskommune sitt disposisjonsfond. Summen på 2,0 mill. vil i samband med disponering av resultatet for 2015 verte tilbakeført."

Roald Kvamme (A) sette på vegner av A, KrF, SV og Sp fram slikt oversendingsforslag til fylkesrådmannen.

"Fagskolane i Hordaland

Fylkesutvalet syner til tidligare vedtak knytt til Fagskolane i Hordaland mellom anna målsettinga om samanslåing av fagskulane til ein teknisk og maritim fagskule og ein helsefagskule samt at eigarskapet også i framtida skal leggast til det regionale nivået.

Fagskuleutdanninga og organiseringa av denne er i endring og det vert lagt fram ei stortingsmelding om fagskulane innan kort tid. Meldinga vil ta opp viktige utfordringar for denne utdanninga mellom anna kvalitet, eigarskap, styresamansetting, studieretningar, tilknytning til høgare utdanning, finansiering, ansvar og drift.

Som eigar av "Fagskolane i Hordaland" må fylkeskommunen vera godt budd på å møte desse utfordringane. Fylkesutvalet vil be administrasjonen utarbeida ei sak der utfordringar og mogeligheter for Fagskulane i Hordaland vert grundig utgreidd slik at ein kan møte nye krav frå sentrale myndigheter. Ein skal sjå særskilt på finansieringa av fagskulane i dette arbeidet.

Arbeidet skal også sjåast i samanheng med den pågåande utgreiinga av den nye regionreforma."

Terje Søviknes trekte forslaget sitt. **Pål Kårbø** trekte sitt forslag (a).

Pål Kårbø sette på vegner av KrF, A, Sp, KrF, MDG, V, Frp og H fram slikt forslag (b):

"Investeringsmidlar for 2016 til opplæringssektoren vert fordelt slik:

1. Oppfølging av skulebruksplan – tiltak 5,00 mill. kr
2. Utstyrsmidlar vidaregåande skular 17,00 mill. kr
3. Utstyrsmidlar fagskular 5,00 mill. kr

4. IT og telefoni	9,50 mill. kr
5. <u>Reinholdsutstyr</u>	<u>0,50 mill. kr</u>
6. <u>Totalt</u>	<u>37,00 mill. kr</u>

I første omgang vert 2,0 mill. dekt inn mot Hordaland fylkeskommune sitt disposisjonsfond. Summen vil i samband med disponering av resultatet for 2015 verte tilbakeført.

Dersom midlane til eitt av områda ovanfor ikkje vert nytta fullt ut, vil fylkesdirektør opplæring omprioritere midlane til område der det er større behov."

Røysting

Kårbø sitt forslag vart samrøystes vedteke.

Kvamme sitt forslag vart samrøystes vedteke oversendt på vegner av forslagsstillarane utan realitetsbehandling.

Vedtak

Investeringsmidlar for 2016 til opplæringssektoren vert fordelt slik:

1. Oppfølging av skulebruksplan – tiltak	5,00 mill. kr
2. Utstyrsmidlar vidaregåande skular	17,00 mill. kr
3. Utstyrsmidlar fagskular	5,00 mill. kr
4. IT og telefoni	9,50 mill. kr
5. <u>Reinholdsutstyr</u>	<u>0,50 mill. kr</u>
6. <u>Totalt</u>	<u>37,00 mill. kr</u>

I første omgang vert 2,0 mill. dekt inn mot Hordaland fylkeskommune sitt disposisjonsfond. Summen vil i samband med disponering av resultatet for 2015 verte tilbakeført.

Dersom midlane til eitt av områda ovanfor ikkje vert nytta fullt ut, vil fylkesdirektør opplæring omprioritere midlane til område der det er større behov.